

Heibøåi kraftverk AS
Høydalsmovegen 815
3891 HØYDALSMO

Vår dato: 11.05.2016
Vår ref.: 200904058-31
Arkiv: 312 / 016.BD6
Dykkar dato:
Dykkar ref.:

Sakshandsamar:
Sissel Jakobsen

Heibøåi Kraftverk AS - Søknad om løyve til bygging av Heibøåi kraftverk i Tokke kommune i Telemark fylke - oversending av NVE sitt vedtak

Vi syner til søknad frå Heibøåi Kraftverk AS datert 15.12.2014 og justert søknad datert 23.6.2015 om løyve til bygging av Heibøåi vasskraftverk.

Vedlagt er NVEs løyve til bygging og drift av vasskraftverket med tilhøyrande vilkår. Løyvet er gitt i medhald av § 8 i vassressurslova.

Ei nærare grunngjeving for løyvet er gitt i vedlagte KSK-notat nr. 57/2016 – *Bakgrunn for vedtak*. Vi syner til merknadene til vilkåra i notatet for krav til utforming av anlegget.

Vi understrekar at løyvet etter vassressurslova gjeld Heibøåi kraftverk og tilhøvet desse har for dei allmenne interessene i vassdraget. Løyvet gir ikkje rett til oreigning. Tiltakshavar har sjølv ansvar for å avklare dei privatrettslege forholda til eventuelle andre som har rettar i området.

Før det vert utbreidd tekniske planar for dam og vassveg, må søknad om konsekvensklasse for gitt alternativ vere sendt NVE og det må vere fatta vedtak. Konsekvensklassen er avgjerande for krav til sikkerheit som vert stilt til planlegging, bygging og drift, og må difor vere avklara før arbeidet med tekniske planar startar. NVE sin sakshandsamar for tekniske planar er Dag Trygve Norum i seksjon for damsikkerheit i tilsyn- og beredskapsavdelinga. Regelverk, retningslinjer og rettleiarar for klassifisering og tekniske planar for vassdragsanlegg finst på www.nve.no, under meny punkta Sikkerhet, tilsyn og beredskap -> Damsikkerheit -> Regelverk.

NVE sitt miljøtilsyn vil ikkje ta planar for landskap og miljø til handsaming før anlegget har fått vedtak om konsekvensklasse. Detaljerte planar skal leggst fram for NVE sitt regionkontor i Tønsberg.

Vi syner elles til NVE sin rettleiing 2 og 3 frå 2013 «Rettleiar til forskrift om internkontroll etter vassdragslovgjevinga» og «Veileder for utarbeidelse av detaljplan for miljø og landskap for anlegg med vassdragskonsesjon» som finst på <http://www.nve.no/miljotilsyn>. Vi vil framheva at det ikkje må setjast i gong noko anleggsarbeid før planane for arbeida er godkjende av NVE. Vi minner om at tiltakshavar må sjå til at planane er i samsvar med kommunal reguleringsplan og/eller arealplan.

E-post: nve@nve.no, Postboks 5091, Majorstuen, 0301 OSLO, Telefon: 09575, Internett: www.nve.no

Org.nr.: NO 970 205 039 MVA Bankkonto: 7694 05 08971

Hovedkontor
Middelthunsgate 29
Postboks 5091, Majorstuen
0301 OSLO

Region Midt-Norge
Vestre Rosten 81
7075 TILLER

Region Nord
Kongens gate 14-18
8514 NARVIK

Region Sør
Anton Jenssensgate 7
Postboks 2124
3103 TØNSBERG

Region Vest
Naustdalsvn. 1B
Postboks 53
6801 FØRDE

Region Øst
Vangsvæien 73
Postboks 4223
2307 HAMAR

Når kraftverka vert sett i drift, skal skjema for melding om idriftsetting av vasskraftverk fyllast ut og sendast til NVE. Skjemaet er tilgjengeleg på NVE sine internettsider.

NVE gjer merksam på at den som ønskjer å starte kraftproduksjon minst ein månad i føreveg skal registrere verksemda i det tolldistriktet der verksemda har sin forretningsstad i samsvar med reglar frå Toll- og avgiftsdirektoratet. Registreringsplikta gjeld for kraftproduksjon i aggregat med generator som har ein merkeyting på 100 kVA eller meir. Kraft produsert i slike anlegg er avgiftspliktig. Årets rettleiar for forbruksavgift på elektrisk kraft finst på www.toll.no. Meir informasjon kan de få ved å vende dykk til næraste tollstad.

Forholdet til energilova

I tillegg til denne konsesjonen etter vassressurslova må ein ha nødvendig løyve etter energilova før utbygginga kan starte. Samstundes med innsending av detaljplanar må det liggja føre ei endeleg avklaring frå netteigar om at det er ledig kapasitet i lokalt og overliggande nett. I tillegg må tilknytning av høgspektanlegg vere avklara med områdekonsesjonær. NVE vil ikkje godkjenne detaljplanane før dette ligg føre.

Om klage og klagerett

De kan klage på denne avgjerda til Olje- og energidepartementet innan tre veker frå det tidspunktet underretninga er kome fram til partane, jamfør forvaltningslova kapittel VI. Retten til å klage er avgrensa til paratar (grunneigarar, rettshavarar og konsesjonssøkjjar) og andre med rettsleg klageinteresse (hovudsakleg organisasjonar som representerer råka interesser).

Ei eventuell klage skal grunngjevast skriftleg, stilast til Olje- og energidepartementet og sendast gjennom NVE. Vi ønskjer elektronisk innsending til vår sentrale e-postadresse nve@nve.no.

Med helsing

Øystein Grundt
seksjonssjef

Sissel Jakobsen
rådgiver

Dokumentet vert sendt utan underskrift. Det er godkjent etter interne rutinar.

Kopi til:

Advokatane Felland og Kleven
Ansgar og Anne Hommo
Fylkesmannen i Telemark
Naturvernforbundet i Telemark
NJFF – Telemark
Statens vegvesen - Region sør
Statnett SF
Telemark fylkeskommune
Tokke kommune
Vest-Telemark Kraftlag AS